

Zeitschrift: Annalas da la Societad Retorumantscha
Herausgeber: Societad Retorumantscha
Band: 96 (1983)

Artikel: A nies cauredactur prof. dr. Alexi Decurtins pils 60
Autor: Deplazes, Gion / Decurtins, Alexi
DOI: <https://doi.org/10.5169/seals-234621>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 15.04.2026

ETH-Bibliothek Zürich, E-Periodica, <https://www.e-periodica.ch>

A nies cauredatur
prof. dr. Alexi Decurtins
pils 60

Car giubilar

quest atun cumpleneschas Ti ils 60. Quei mument astga la Società Retoromantscha buca schar vargar en silenzi cumplein.

Nus dedichein perquei a Ti sco mudesta renconuschientscha las Annalas 96, in pign, denton pli che mo bein meritaun sinzur all'adressa da nies cauredatur dil Dicziunari Rumantsch Grischun.

Strusch terminau Tes studis dalla romanistica, eis Ti vegnius elegius professor da franzos, talian e romontsch alla Scola cantunala.

Questa plazza has Ti bandunau suenter treis onns per sededicar entiramein al studi da lungatg e cultura romontscha, acceptond il clom sco redatur al Dicziunari.

Sut la direcziun digl empren cauredatur dr. A. Schorta has Ti fatg part 20 onns dalla redacziun. Tes artechels comparan gia el tom 2 dil DRG e da leu naven regularmein. Sco successur da dr. A. Schorta has Ti surpriu 1975 la cauredacziun e cun quei la responsabladad principala per qualidad e ritmus dalla publicaziun fundamentala romontscha, quei en in mument decisiv, sch'ins serenda quen dil fatg che nossa moda da viver semida bunamein dil taliter en paucs decennis. Quei ch'ins saveva controllar e recaltgar aunc avon buca tons onns en liug e funcziun plaun e plattamein ei buca pli e tuorna mai. Ei ha perquei num da buca mo publicar, aschi giavischau sco quei ei, ei vul aunc adina da rimnar e fixar cun sistem tochen ch'igl ei aunc uras.

Cundiziun suprema ei da scaffir e mantener in stab da lavur fix e fidau sco era il bien maun e la vasta egliada da coordinar sistematicamein las lavurs ed incumbensas.

La prestaziun dils davos onns muossa che quei daventa di per di.

Il contact cun la giuventetgna academica tras Tia professura all'universidad da Friburg sco ils numerus referats ed artechels che cuntanschian ils interessents gidan a promover e procurar per las forzas giuvnas sco era a scaffir num e reputaziun all'ovra, quei ch'ei necessari per dar ad ella impurtonza e radiaziun, render ella enconuschenta e renconuschida e garantir ad ella la basa finanziaria.

Per ton engaschament e tonta lavur descha ei a nus oz dad engraziar ina gada publicamein.

Nus fagein quei cun plascher e perschuasiun e giavischein vinavon la calma uliva e la cungebla stendida sco era la forza creativa, instructiva ed inflammonta pil futur.

*Per la Società Retorumantscha
Gion Deplazes, pres.*